



## **De Probatis|| Sanctorvm|| Historiis**

Partim|| Ex Tomis Aloysii Lipoma-||ni, Doctissimi Episcopi, Partim Etiam||  
Ex Egregiis Manuscriptis Codicibvs, Qvarvm permultæ antehàc nunquàm  
in lucem prodiêre

Complectens Sanctos Mensivm Septembris Et Octobris

**Surius, Laurentius**

**Coloniae Agrippinae, 1576-**

**VD16 S 10262**

Pivs Papa V. Dilecto Filio Gervino Calenio Typographo Colonien.

---

[urn:nbn:de:hbz:466:1-77413](https://nbn-resolving.org/urn:nbn:de:hbz:466:1-77413)



PIVS PAPA V. DILE-  
CTO FILIO GERVINO  
CALENIO TYPOGRAPHO  
COLONIEN.



**D**ILECTE Fili Salutem & Apostolicam benedictionem.  
Cum tu, sicut accepimus, nonnullos de probatis Sanctorum  
historijs à dilecto filio Laurentio Surio optima fide colle-  
ctis, necnon alios Tomos seu libros dilecti filij Petri Canisij  
presbyteri seu religiosi Societatis IESV, de doctrina siue  
Institutione Christiana inscriptos, vnà cum certis Annota-  
tionibus, nòdum impressos, tua impensa imprimi facere de-  
sideres: Nos tibi, quem in excudendis huiusmodi Tomis seu  
libris graues impensas subire necesse est, nè ex beneficio

omnibus Christi fidelibus collato detrimētum aliquod sen-  
tias, opportunè prouidere, ac te in tuo laudabili & Reipub. Christianæ perutili proposito  
confouere volentes, & à quibusuis Excommunicationis, suspensionis & interdicti, alijsq;  
Ecclesiasticis sententijs, censuris & pœnis à iure vel ab homine quauis occasione vel cau-  
sa latis, si quibus quomodolibet immodatus existis, ad effectū præsentium dūtaxat conse-  
quendum, harū serie absoluentes & absolutū fore censentes: Motu proprio nò ad tuam vel  
alicuius pro te nobis super hoc oblata petitionis instantiam, sed ex certa scientia & mera  
deliberatione nostris tibi Tomos seu libros præfatos per te vel alium seu alios imprimendi,  
& impressos vendendi licentiam & facultatem plenam & liberam Apostolica autori-  
tate per præsentis concedimus: Necnon omnibus & singulis impressoribus, librarijs, &  
mercatoribus tam in Italia quàm extra Italiā constitutis, in virtute sanctæ obedientiæ &  
sub Excommunicationis sententiæ, necnon in terris sanctæ Romanæ Ecclesiæ mediatè vel  
immediatè subiectis, sub amissionis Tomorū seu librorū huiusmodi, ac mille ducatorū au-  
ri de Camera, pro vna Camera Apostolicæ, & altera medietatibus tibi, tuisq; heredibus  
& successoribus irremissibiliter loco damnorū applicandorum pœnis, per alios absq; tuū &  
heredum vel successorum tuorū expresso mandato aut licentia habita excudentes, seu im-  
primentes, aut vendentes, toties quoties id fecerint, eo ipso incurrendis, nè eosdem Tomos  
seu libros infra decennium proximè futurum ab illorum impressione computandum, in qui-  
busuis literarum characteribus, aut parua, mediocri, seu magna, vel alia quacung; forma  
alicubi imprimere, neq; per alios impressos vendere absq; expressatū vel heredum & suc-  
cessorum præfatorū licentia vel consensu audeant vel præsumant, & ita per quoscung; iu-  
dices & commissarios quauis autoritatē fungentes, sublata eis & eorum cuiilibet quauis  
aliter iudicandi, interpretandi facultate & autoritate, iudicari & diffiniri debere: Ac  
quicquid secus super his à quoquam quauis autoritate scienter vel ignoranter attentari  
contigerit, irritum & inane decernimus: Mandantes nihilominus Motu simili sub inter-  
dicti Ecclesiastici & ingressus ecclesiarum Venerabilibus Fratribus nostris Coloniaens. &  
quorūuis aliorum ciuitatum & locorum Archiepiscopis, Episcopis, ac dilectis filijs illorum  
vicarijs seu officialibus, legatis, vel Vicelegatis, ac sub primo dictis pœnis, Gubernatori-  
bus, Potestatibus, & alijs quibusuis Iudicibus quibuscūque autoritate & officio fungen-  
tibus, quatenus quoties pro parte tua, & successorū tuorum, vel alicuius eorum huiusmodi  
fuerint requisiti in præmissis, efficacis defensionis præsidio assistentes, faciant autoritate  
nostra inhibitionem præfata inuiolabiliter obseruari: ac te, tuosque heredes & suc-  
cessores præfatos huiusmodi, illorumque singulos concessione pacificè frui & gaudere: Ac



PRIVILEGIUM APOSTOLICUM.

impressores, librariorum, mercatores, factores, scientes & non reuelantes, quos inhibitioni præfate contravenisse eis constiterit, excommunicationis & alias sententias, censuras & pœnas huiusmodi incurrisse declarent, ac pro talibus publicè nunciari mandent, & faciant contradictores quoslibet & rebelles per easdem censuras & pœnas, appellatione postposita, compescendo: invocato etiam ad hoc, si opus fuerit, auxilio brachij secularis: Non obstantibus Constitutionibus & Ordinationibus Apostolicis, Privilegijs quoque, Indultis, & literis Apostolicis super imprimendorum Tomorum facultate quibusvis personis cuiuscunque dignitatis & præeminentie existentibus etiam motu & scientia similibus, ac sub quibusvis tenoribus & formis, necnon clausulis & decretis concessis: Quibus omnibus etiam si de illis, eorumque totis tenoribus specialis, specifica, expressa, & indiuidua: non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc seruanda foret, illorum tenores, ac si de verbo ad verbum infererentur, præsentibus pro expressis habentes, illis aliâ in suo robore permanentibus, hac vice dât axat specialiter & expressè derogamus: Aut si impressoribus, librarijs, & mercatoribus præfatis vel quibusvis alijs, communiter vel diuisim ab Apostolica sit Sede indultum, quòd interdici, suspendi, vel excommunicari non possint per literas Apostolicas non facientes plenam & expressam, ac de verbo ad verbum de indulto huiusmodi mentionem. Volumus autem & eadem auctoritate decernimus præsentium literarum transscripta in ipsis Tomis impressa in iudicio & extra sufficere, & plenam fidem facere, regula contraria non obstante. Datum Romæ apud S. Petrum sub Annulo Piscatoris die XXIII. Septembris, M. D. LXIX. Pontificatus nostri anno quarto.

Cæ. Glorierius.

ILLV.